

Cynllun Ysgolion Newydd Wedi'i Lansio yn Aber Llydan



Mae rhaglen i adeiladu ysgol gwerth miliynau o bunnoedd i Sir Benfro wedi'i gyhoeddi yn Ysgol Gynradd Gymunedol Aber Llydan.

Bydd Rhaglen Ysgolion yr 21ain Ganrif yn arwain at £150 miliwn yn cael ei fuddsoddi mewn ysgolion uwchradd a chynradd yn y sir yn ystod y pum mlynedd nesaf.

Bydd y cynllun gan Lywodraeth Cymru yn gweld rhai ysgolion yn cael eu hailadeiladu, ac eraill yn cael eu hadnewyddu a'u had-drefnu.

Bydd y cyllid yn dod yn rhannol o Gyngor Sir Benfro a Llywodraeth Cymru.

Mae cyfanswm o £2.25 miliwn wedi'i ddyrannu i waith adnewyddu ac adeiladu estyniad newydd yn Ysgol Gynradd Gymunedol Aber Llydan. Mae disgwyl i'r gwaith gymryd 12 mis.

Dyluniwyd y cynllun gan dîm mewnol y Cyngor Sir, a'r contractwr fydd Andrew Scott Cyfyngedig.

Yn ôl y pennaeth yr ysgol Andrew Williams: "Dwi wrth fy modd fod Aber Llydan yn elwa o Gynllun 21 ain Ganrif, a fydd yn darparu ysgol wych a fydd yn cynnig addysg ar gyfer plant o 3 i 11 mlwydd oed."

Bydd y cam cyntaf, a ddechreuwyd ym mis Gorffennaf yn creu estyniad newydd i gefn yr ysgol bresennol. Bydd yr estyniad hwn yn cynnwys dosbarthiadau newydd, derbynfa ar gyfer y blynyddoedd cynnar a chownter arlwygo i'r gegin.

Bydd yr ail gam yn cwmpasu ailwampiad o'r ysgol bresennol.

Yn ôl y Cynghorydd Sue Perkins sy'n Aelod Cabinet ar gyfer Addysg a Diogelu "Y nod ydy gwella adeiladau'r ysgol ac ardaloedd y tu allan yn Ysgol Aber Llydan. Bydd hyn yn ein galluogi i gyflwyno'r cwricwlwm yn llawer mwy effeithiol'.

"Bydd hefyd yn cynnig amgylchedd ddysgu addas ar gyfer y Blynyddoedd Cynnar a disgyblion y Cyfnod Sylfaen.

"O ganlyniad i hyn bydd yr ysgol yn gallu derbyn disgyblion tair oed yn rhan amser o fis Medi 2015."

Bydd datblygiad hwn yn Ysgol Gynradd Gymunedol Aber Llydan yn dod a'r ysgol, a'i hardaloedd awyr agored, i safon Ysgolion yr 21ain Ganrif.

Bydd hyn yn sicrhau fod yr ysgol yn amgylcheddol gynaliadwy a'i bod yn cwrdd â safonau a chanllawiau perthnasol.

Yn ôl Ben Pykett, Dirprwy Brif Weithredwr " Bydd y rhaglen uchelgeisiol hon yn cynrychioli buddsoddiad enfawr i addysg plant yn Sir Benfro".

"Rydym wedi gwario £120 miliwn ar adeiladau ysgol ers 1996 a bydd y rhaglen Ysgolion yr 21ain Ganrif yn gweld buddsoddiad pellach o £150 miliwn," meddai.

"Bydd y buddsoddiad hwn yn trawsnewid profiadau dysgu ein disgyblion. Bydd hefyd yn sicrhau eu bod nhw'n cael eu dysgu mewn dosbarthiadau gyda'r dechnoleg a'r cyfleusterau sydd eu hangen i gyflwyno'r cwricwlwm yn yr unfed ganrif ar hugain."

Capsiwn 1

Yn y llun mae aelodau o gyngor yr ysgol sef Evie Roberts, Archie Wells, Hannah Rees, Hannah Pettit, Ella Fletcher, Niamh Edwards, Ffion Williams, Michael Grainger, Maisie Williams, Ella Rees, Katy Hill, Emily Pettit, Ella Rudder ac Oliver Courie, gyda (o'r chwith i'r dde) Alison Rees, Steve Rees a Julian Davies o gwmni Andrew Scott Cyf, y Cynghorydd Jamie Adams, Andrew Williams a Keith Pritchard o Andrew Scott Cyf.

Capsiwn 2

Yn y llun mae aelodau o gyngor yr ysgol sef Hannah Rees, Archie Wells ac Evie Roberts, gyda (o'r chwith i'r dde) y Cynghorydd Jamie Adams, Arweinydd Cyngor Sir Penfro; Keith Pritchard, Rheolwr Project Andrew Scott Cyf, Julian Davies, Cyfarwyddwr Masnachol Andrew Scott Cyf, Cynghorydd Sue Perkins ac Andrew Williams.

